



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ
ՆԱԽԱԳԱՀԻ ՈՐՈՇՈՒՄ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ԸՆԴՀԱՆՈՒՐ
ՎԵՐԹԱԿԱՆ ԺՈՂՈՎ ՀՐԱՎԻՐԵԼՈՒ ՄԱՍԻՆ**

Ղեկավարվելով «Փաստաբանության մասին» օրենքի 9-րդ հոդվածի 1-ին մասի 2-րդ կետի, 4-րդ և 5-րդ մասերի, 10-րդ հոդվածի 3-րդ մասի, 13-րդ հոդվածի ութերորդ մասի 5-րդ և 15-րդ կետերի, 39.5 հոդվածի 1-ին մասի և Հայաստանի Հանրապետության փաստաբանների պալատի կանոնադրության 7.1 կետի 3-րդ ենթակետի, 7.4 կետի 2-րդ ենթակետի, 7.5, 7.6, 7.7, 7.8, 12.1, 13.2, 14.1, 14.2 կետերի, ինչպես նաև 17.3-րդ կետի 5-րդ և 27-րդ ենթակետերի պահանջներով,

հնչվի առնելով ՀՀ փաստաբանների պալատի խորհրդի անդամներ և կարգապահական վարույթի գործը փաստաբանների պալատի խորհրդի քննարկմանը նախապատրաստող փաստաբաններ (կարգապահական գործը նախապատրաստող անձինք) ընտրելու անհրաժեշտությունը,

Ո Ր Ո Շ Ե Ց Ի՝

1. 2021 թվականի մարտի 6-ին (շաբաթ օր), ժամը 09³⁰-ից Երևան քաղաքի Զաքյան 7-2 հասցեում գրնվող ՀՀ փաստաբանների պալատի վարչական շենքի 2-րդ հարկի սրահում, հեռակա կարգով (առանց ընդհանուր ժողովի գումարման) հրավիրել Հայաստանի Հանրապետության փաստաբանների պալատի հերթական ընդհանուր ժողով՝ հետևյալ օրակարգային հարցերով.

- 1.1. ՀՀ փաստաբանների պալատի խորհրդի անդամների ընտրություն.**
- 1.2. ՀՀ փաստաբանների պալատի կարգապահական գործը նախապատրաստող անձանց ընտրություն:**

2. Սահմանել, որ՝

- 2.1. Օրակարգային հարցերով քվեարկությունը (ընտրությունը) սկսվում է 2021 թվականի մարտի 6-ին, ժամը 09³⁰-ից և ավարտվում է նույն օրը՝ ժամը 17³⁰-ին.**
- 2.2. ՀՀ փաստաբանների պալատի խորհրդի անդամների և կարգապահական գործը նախապատրաստող անձանց թեկնածուների առաջադրումը (ինքնաառաջադրումը) սկսվում է 2021 թվականի փետրվարի 6-ից (ներառյալ) և ավարտվում է 2021 թվականի փետրվարի 11-ին (ներառյալ).**



2.3. ՀՀ փաստաբանների պալատի խորհրդի անդամների և կարգապահական գործը նախապատրաստող անձանց թեկնածուների քարոզչությունը սկսվում է 2021 թվականի փետրվարի 12-ից (ներառյալ) և ավարտվում է 2021 թվականի մարտի 4-ին, ժամը 18⁰⁰-ին:

3. Հաստատել ՀՀ փաստաբանների պալատի ընդհանուր ժողովի ծանուցման ձևը՝ համաձայն թիվ 1 հավելվածի:

4. Հանձնարարել ՀՀ փաստաբանների պալատի աշխատակազմի ղեկավարին՝

- ՀՀ փաստաբանների պալատի ընդհանուր ժողովի մասին ծանուցել փաստաբաններին էլեկտրոնային փոստով ծանուցումն ուղարկելու, 1000 և ավելի տպաքանակ ունեցող օրաթերթում ծանուցումը տպագրելու, ինչպես նաև ՀՀ փաստաբանների պալատի ինտերնետային կայքէջում և վարչական շենքում (ք. Երևան, Ջաքյան փողոց 7-2) հայտարարությունների ցուցատախտակին ծանուցումը հրատարակելու միջոցով.
- օժանդակել հաշվիչ հանձնաժողովին՝ ժողովի կազմակերպման և անցկացման աշխատանքների կատարման համար, այդ թվում՝ ապահովել անհրաժեշտ նյութատեխնիկական միջոցներով:

Հայաստանի Հանրապետության
փաստաբանների պալատի նախագահ՝



Արա Զոհրաբյան

01 փետրվարի 2021թ.
թիվ 15-L
ք. Երևան